

BOSNA I HERCEGOVINA
FEDERACIJA BOSNE I HERCEGOVINE
VLADA

PRIJEDLOG

**ZAKON
O DOPUNI ZAKONA O POREZNOJ UPRAVI
FEDERACIJE BOSNE I HERCEGOVINE**

Sarajevo, lipanj 2015.

OBRAZLOŽENJE PRIJEDLOGA ZA DONOŠENJE ZAKONA PO ŽURNOM POSTUPKU

Odredbama članka 191. stavak 2. Poslovnika o radu Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), propisuje se sljedeće: “Po žurnom postupku može se donijeti samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju”.

Također, u članku 186. stavak 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) propisuje se: “Iznimno po žurnom postupku može se donijeti samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju”.

U smislu navedenih odredaba Poslovnika, ovom dopunom Zakona o Poreznoj upravi Federacije Bosne i Hercegovine osigurali bi se potrebni uvjeti za implementaciju Zakona o finansijskoj konsolidaciji gospodarskih društava u Federaciji Bosne i Hercegovine („Službene novine Federacije BiH, broj: 52/14) i propisa donesenih na temelju tog zakona.

ZAKON
**O DOPUNI ZAKONA O POREZNOJ UPRAVI FEDERACIJE BOSNE I
HERCEGOVINE**

Članak 1.

U Zakonu o Poreznoj upravi Federacije Bosne i Hercegovine („Službene novine Federacije BiH“, broj: 33/02, 28/04, 57/09, 40/10, 27/12, 7/13 i 71/14), u članku 2. stavak 2., iza riječi: „Zakonom o visini stope zatezne kamate na javne prihode („Službene novine Federacije BiH, broj: 48/01, 52/01 i 42/06)“ dodaje se zarez i riječi: „Zakonom o finansijskoj konsolidaciji gospodarskih društava u Federaciji Bosne i Hercegovine („Službene novine Federacije BiH, broj: 52/14)“.

Članak 2.

Ovaj Zakon stupa na snagu narednog dana od dana objave u "Službenim novinama Federacije BiH".

O B R A Z L O Ž E N J E

I. Ustavna osnova

Ustavna osnova za donošenje ovoga Zakona sadržan je u članku III. 1. točka c), koji je izmijenjen amandmanima VIII., LXXXIX i CVI i članku IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o financijama i finansijskim institucijama Federacije i fiskalna politika Federacije, a Parlament Federacije, uz ostale ovlasti predviđene Ustavom, odgovoran je za donošenje zakona o vršenju dužnosti federalne vlasti.

II. Razlozi za donošenje zakona

Zakon o finansijskoj konsolidaciji gospodarskih društava u Federaciji Bosne i Hercegovine objavljen je u „Službenim novinama Federacije BiH“, broj: 52/14 od 2. 7. 2014. i stupio je na snagu 10. 7. 2014. Navedeni zakon donesen je iz razloga rješavanja problema izmirenja dugovanja gospodarskih društava po osnovi kojih se vrši finansijska konsolidacija istih, a s ciljem postizanja stanja likvidnosti i solventnosti gospodarskih društava, te njihovog efikasnijeg poslovanja. Finansijskom konsolidacijom gospodarskih društava omogućava se, između ostalih, izmirenje dugovanja gospodarskih društava po osnovi javnih prihoda (neplaćenih doprinosa za zdravstveno osiguranje, doprinosa za osiguranje od nezaposlenosti i poreza, isključujući poreze na dodanu vrijednost) pod povoljnijim uvjetima u odnosu na način propisan Zakonom o Poreznoj upravi Federacije Bosne i Hercegovine.

S obzirom da Zakon o finansijskoj konsolidaciji gospodarskih društava u Federaciji Bosne i Hercegovine i propisi doneseni na temelju ovog zakona u smislu pitanja koja se njima uređuju imaju značaj posebnih propisa u odnosu na sve druge propise koji na teritoriju Federacije Bosne i Hercegovine uređuju ista pitanja kao opći propisi, neophodno je usklađivanje odredaba Zakona o Poreznoj upravi Federacije Bosne i Hercegovine kao općeg propisa.

Shodno navedenom, a u cilju osiguranja uvjeta za provedbu Zakona o finansijskoj konsolidaciji gospodarskih društava u Federaciji Bosne i Hercegovine i propisa donesenih na temelju tog zakona potrebno je izvršiti dopunu Zakona o Poreznoj upravi Federacije Bosne i Hercegovine po žurnom postupku.

III. Obrazloženje predloženih pravnih rješenja

Članak 1.

Odredba članka 2. stavak 2. Zakona o Poreznoj upravi Federacije Bosne i Hercegovine dopunjuje se kako bi se omogućila implementacija Zakona o finansijskoj konsolidaciji gospodarskih društava u Federaciji Bosne i Hercegovine („Službene

novine Federacije BiH, broj: 52/14) i propisa donesenih na temelju ovog zakona kao posebnih propisa, kojima se omogućava izmirenje dugovanja gospodarskih društava po osnovi javnih prihoda pod povoljnijim uvjetima u odnosu na način propisan Zakonom o Poreznoj upravi Federacije Bosne i Hercegovine.

IV. Financijska sredstva

Za provedbu ovoga Zakona nije potrebno osigurati dodatna sredstva u Proračunu Federacije BiH.

**DONOŠENJEM OVOG ZAKONA DOPUNJUJU SE SLJEDEĆE ODREDBE
ZAKONA O POREZNOJ UPRAVI FEDERACIJE BOSNE I HERCEGOVINE
("Službene novine Federacije BiH", broj: 33/02, 28/04, 57/09, 40/10, 27/12, 7/13 i
71/14)**

Članak 2.

Ukoliko su odredbe ovog Zakona kojima se reguliraju organizacija i rukovodstvo Porezne uprave, suradnja Porezne uprave sa drugim vladinim organima, prava i obveze Porezne uprave i poreznih obveznika, identifikacija i registracija poreznih obveznika, podnošenje poreznih prijava i plaćanje poreza, razrez i naplata poreza, prinudna naplata poreznih obveza, inspekcijski nadzor, obračun i naplata kamata, odbici i povrat više plaćenih poreza, rokova zastare za razrez, naplata i povrat poreza, žalbe na porezna rješenja, administrativne kazne za porezne prekršaje, podzakonski akti, uručenje dokumenata i porezna mišljenja, drukčije uredjene drugim zakonima u Federaciji, tada će odredbe ovog Zakona imati prioritet nad drugim odredbama u navedenim oblastima.

Iznimno, odredba stavka 1. ovoga članka ne primjenjuje se na pitanja koja su uredjena Zakonom o naplati i djelomičnom otpisu dugovanja sportskim kolektivima („Službene novine Federacije BiH“, broj: 37/14), Zakonom o visini stope zatezne kamate na javne prihode ("Službene novine Federacije BiH", br. 48/01, 52/01 i 42/06) i Odlukom o uvjetima raspolaganja obveznicama Federacije Bosne i Hercegovine na osnovi ratnih potraživanja pravnih osoba ("Službene novine Federacije BiH", broj: 75/09).